



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Prijmljeno / Prodato Received / Delivery	23.05.2023	3	viti god year
Organ / Njësia Organ / Jedinica Org / Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKRMSHOCK	4384/2023		115



## Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.643/2023

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave i përbërë nga: Arben Mehmeti-kryetar, Ardita Haxhnikaj Demi dhe Jeton Koca -anëtarë, si dhe Vjollca Sinani-Zyrtare e Lartë për Bashkëpunim Profesional, në cilësinë e procesmbajtëses, kanë shqyrtuar ankesën me numër A.nr.643/2023 të datës 18.04.2023 të parashtruar nga ankuesja me adresë banimi:

Prishtinë, kundër organit të punësimit Agjencia Kosovare e Privatizimit, në çështjen juridike „kontestim konkursi”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 23.05.2023, mori këtë:

### V E N D I M

I. Refuzohet si e pa bazuar ankesa me numër A.nr.643/2023 e datës 18.04.2023, e parashtruar nga ankuesja

II. Mbetet në fuqi vendimi i Departamentit të Burimeve Njerëzore Nr.DM 113/2023 i datës 06.04.2023.

### A r s y e t i m

Ankuesja, e punësuar në pozitën “Zyrtare e prokurimit” në Departamentin e Prokurimit, sipas Akt emërimit të datës 01.07.2014, ka aplikuar në konkursin sipas njoftimit të datës 13/02/2023 me afatin për aplikim nga data 15.03.2023 deri më 22.03.2023 me numër reference.RN00010838 për pozitën Zëvendës drejtor Menaxhues në Agjencinë Kosovare të Privatizimit. Me datë 31.03.2023 Departamenti i Burimeve Njerëzore me vendimin Nr.DM 108/2023 refuzon aplikacionin e me arsyetimin se e njëjta nuk i plotëson kriteret e përcaktuara të konkursit. Ankuesja e pakënaqur me vendimin e datës 31.03.2023 me Nr.DM 108/2023 të Departamentit të Burimeve Njerëzore me datën 05.04.2023 ka parashtruar ankesë në Departamentin e Burimeve Njerëzore në Agjencinë Kosovare të Privatizimit.



Departamenti i Burimeve Njerëzore në Agjencinë Kosovare të Privatizimit pas shqyrtimit të ankesës së ankueses me datë 06.04.2023 ka nxjerrë vendimin me nr.DM 113/2023 me të cilin ka refuzuar ankesën e ankueses.

Ankuesja e pakënaqur me vendimin e Departamentit të Burimeve Njerëzore me datë 18.04.2023 ka parashtruar ankesën me numër të protokollit 3616/2022 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave, me datë 26.04.2023 ka proceduar kërkesën për përgjigje në ankesë në Agjencinë Kosovare të Privatizimit. Ndërsa me datë 12.05.2023 Këshilli i Pavarur Mbikëqyrës për Shërbimin Civil të Kosovës ka pranuar përgjigjen në ankesë së bashku me shkresat e bashkangjitura të lëndës.

**Kolegji për Shqyrtimin dhe Vendosijen e Ankesave me rastin e shqyrtimit të kësaj ankese ka administruar këto prova:** Ankesa e ankueses e datës 18.04.2023 me numër protokollit 3616/2023 e parashtruar në Këshillin e Pavarur Mbikëqyrës për Shërbimin Civil të Kosovës; Vendimi i datës 06.04.2023 me nr.DM 113/2023; Vendimi i datës 31.03.2023 me nr.DM 108/2023; Ankesë e datës 05.04.2023 e parashtruar në departamentin e Burimeve Njerëzore në Agjencinë Kosovare të Privatizimit; E-mail zyrtar i datës 13.04.2023; Kërkesë për përgjigjeje në ankesë e datës 26.04.2023 nga KPMSHCK drejtuar Agjencinë Kosovare të Privatizimit, Ndërsa me datë 12.05.2023 Këshilli i Pavarur Mbikëqyrës për Shërbimin Civil të Kosovës ka pranuar përgjigjen në ankesë së bashku me shkresat e bashkangjitura të lëndës; Vendim i datës 23.12.2022 me Nr.Ref.BD-174-3; Konkursi i data 15.03.2023 deri më 22.03.2022 me numër reference.RN00010838 për pozitën Zëvendësdrejtor i Përgjithshëm në Agjencinë Kosovare të Privatizimit; Konkursi i data 15.03.2023 deri më 22.03.2022 me numër reference.RN00010969 për pozitën Zëvendësdrejtor i Përgjithshëm në Agjencinë Kosovare të Privatizimit; Emaili i datës 15.02.2023 për shpallje te konkursit; Lista e Aplikantëve nga SIMBNJ; Aplikacioni i Ankueses; Diploma master e datës 24.11.2010 e lëshuar nga Universiteti për Biznes dhe Teknologji-UBT; Diploma e datës 05.10.2020 e lëshuar nga Fakulteti Ekonomik në Universitetin e Prishtinës "Hasan Prishtina" për Drita Gjonbalaj ku ka marrë titullin Doktor i Shkencave Ekonomike në Fushën Menaxhment dhe Informatikë; Diplomë e datës 21.03.1989 me nr.4343 e lëshuar nga Fakulteti Ekonomik në Universitetin e Prishtinës; Çertifikatë e datës 28.06.2012; Çertifikatë e muajit shtator-dhjetor 2006; Çertifikatë e datës 13.07.2001; Çertifikatë e datës 07.03.2002; Çertifikatë e datës 13.07.2001; Diplomë e datës 22.11.2006; Oxford language center 07.2-04.03.2005; Shkresë e datës 29.11.2002; Çertifikatë e datës 27-31.05.2002; Çertifikatë e datës 07.03.2002; Çertifikatë e Prokurimit e 2020; Akt emërimi i datës 01.08.2014 me nr.ref.160/PRK 2 për pozitën Zyrtar i Prokurimit; Akt emërimi i datës 04.08.2014 me nr.ref.150/PRK 2 për pozitën Zyrtar i Prokurimit; Contract of Emploment e datës 28.10.2008; Leternjoftimi i ankueses; Shkresë e datës 17.11.2007; Shkresë e datës 30.08.2007; Shkresë e datës 30.11.2006; Shkresë e datës 17.04.2001; Shkresë e datës 10.10.2000; Shkresë e UNMIKU-të; Shkresë e UNMIKU-të e datës 23.05.2007; Shkresë e UNMIKU-të e datës 30.08.2007; Çertifikatë e UNMIKU-të; e datës 11.08.2002; Letër rekomandimi muajit shkurt 2016; Shkresë e datës 06.12.2007; Letër rekomandimi nga Ministria e Financave; Formulari për vlerësimin e detyrave në punë për vitin 2020 i datës 08.02.2020; Formulari për Vlerësimin e Rezultateve në punë të nëpunësve civil dhe nëpunësve të shërbimeve publike për kategorinë drejtues i mesëm , i ulët



dhe profesional për vitin 2022 i datës 31.01.2023; Plan individual i trajnimit i datës 31.01.2023; Formulari për Vlerësimin e Rezultateve në punë të nëpunësve civil dhe nëpunësve të shërbimeve publike për kategorinë drejtues i mesëm , i ulët dhe profesional për vitin 2021 i datës 13.01.2022; Plani individual i Trajnimit i datës 13.01.2022; Plan për përcaktimin e objektivave të punës e datës 13.01.2022; Vërtetim mbi punësimin e ankueses; Letër motivuese e ankueses; Çertifikatë mbi dënimet penale e datës 20.03.2023; Vendim me A.nr.550/2018 nga Avokati i Popullit i datës 23.09.2020; Letër me rekomandim e datës 24.02.2020; Njoftim për listën e ngushtë të kandidatëve e datës 31.03.2023; Njoftim për ndërprerje të procedurës së rekrutimit i datës 18.04.2023; Akt emërimi i datës 01.01.2023 me nr.ref.158/PRK 2 për pozitën Zyrtar i Prokurimit.

Kolegji për Shqyrtimin dhe Vendosjen e Ankesave pasi ka shqyrtuar dhe analizuar shkresat e lëndës të parashtruara nga palët, konstatoi se ankesa e ankueses është e pabazuar *sepse*:

Kolegji për Shqyrtimin dhe Vendosjen e Ankesave, sipas shkresave të lëndës ka gjetur se Bordi i Drejtorëve të Agjencisë Kosovare të Privatizimit me datë 23.12.2022 ka nxjerrë vendimin me Nr.ref BD-174-3 për iniciimin e procedurës së rekrutimit për pozitën Zëvendësdrejtor Menaxhues në Agjencinë Kosovare të Privatizimit përmes konkursit publik, ndërsa Departamenti i Burimeve Njerëzore sipas njoftimit të datës 13/02/2023 ka shpallur konkursin publik me afatin për aplikim nga data 15.03.2023 deri më 22.03.2023 me numër reference.RN00010838 për pozitën Zëvendësdrejtor i Përgjithshëm në Agjencinë Kosovare të Privatizimit, bazuar në dispozitat e nenit 40, paragrafi 2 të Ligjit Nr.06/L-114 për Zyrtarët Publik dhe nenit 6 (1,4) i Rregullores Nr.01/2022 për Pranim, Vlerësim dhe Disiplinë të Nivelit të Lartë Drejtues.

Konkursi sipas njoftimit të datës 13/02/2023 me afatin për aplikim nga data 13/03/2023 deri më 22.03.2023 me numër reference RN00010838 për pozitën Zëvendësdrejtor i Përgjithshëm në Agjencinë Kosovare të Privatizimit, si kërkesa të përgjithshme formale janë përcaktuar si vijon:

- *Arsimi i kërkuar: Diplomë/a të studimeve universitare me të paktën 4 vite të studimeve,*
- *Përvoja e punës e kërkuar: Së paku tetë(8) vite përvojë pune profesionale duke përfshirë së paku pesë(5) vite përvojë pune në pozita drejtuese.*

Kolegji për Shqyrtimin dhe Vendosjen e Ankesave gjatë shqyrtimit të provave ka konstatuar se për këtë pozitë kanë aplikuar tre (3) kandidatë, ankuesja për këtë pozitë të punës, ka aplikuar me datë 22.03.2023 me numër reference RAN0012177, ndërsa me datë 22.03.2023 Departamenti i Burimeve Njerëzore ka nxjerrë vendimin me nr.DM 108/2023 me të cilin ka refuzuar aplikacionin e \_\_\_\_\_ e cila nuk kualifikohet për procedurat e mëtejme të rekrutimit sepse nuk i plotëson kriteret e përcaktuara me nenin 40 paragrafi 1 të Ligjit Nr.06/L-114 për Zyrtarët Publikë ku përcaktohet se "1. Pranimi në një pozitë të kategorisë së lartë drejtuese bëhet me konkurrim të organizuar për çdo pozitë të lirë. Fillimisht, kanë të drejtë të marrin pjesë në konkurrim vetëm nëpunësit civilë ekzistues të kategorisë së lartë dhe të mesme drejtuese në të gjithë Shërbimin Civil".

Kolegji për Shqyrtimin dhe Vendosjen e Ankesave ka shqyrtuar pretendimin ankimor të ankueses e cila pretendon se edhe përkundër përgatitjes profesionale dhe përvojës së punës në



Agjencinë Kosovare të Privatizimit jam e diskriminuar në aspekt gjinor sepse kandidatët që kanë hyrë në listën e ngushtë janë avancuar pa meritë. Kolegji për Shqyrtimin dhe Vendosjen e Ankesave ka konstatuar se ky pretendim është i paqëndrueshëm sepse Bordi i Drejtorëve të Agjencisë Kosovare të Privatizimit përmes vendimit të datës 23.12.2022 ka inicuar procedurën e rekrutimit për pozitën Zëvendësdrejtor Menaxhues në AKP përmes konkursit publik, bazuar në Ligjin për Agjencinë Kosovare të Privatizimit Nr.04/L-034(të ndryshuar dhe plotësuar me Ligjin nr.06/L-023,Ligjin nr.05/L-080 dhe Ligjin 04/L-115),nenit 9.5 të Statutit të bordit të AKP-së, si dhe neneve 6,8,1,40 dhe 42 të Ligjit Nr.06/L-114 për Zyrtarët Publikë dhe nenit 6.2 të rregullores Nr.15/2020 për pranimin, vlerësimin dhe disiplinën e nëpunësve të lartë drejtues, mbi bazë të këtyre dispozitave ligjore janë paraparë edhe kërkesat e përgjithshme formale të konkursit të publikuar dhe mbi bazë të provave që kemi administruar me rastin e kësaj ankese të dorëzuar nga palët konstatohet se e njëjta përkundër që aludon në diskriminim me rastin që nuk ka hyrë në listë të ngushtë dhe se i është refuzuar ankesa për vazhdim të procedurës së rekrutimit për pozitën Zëvendësdrejtor Menaxhues në AKP, ankuesja nuk i ka plotësuar kushtet formalo-juridike të konkursit nga se e njëjta është e punësuar si zyrtare e prokurimit në këtë institucion sipas Akt emërimit të datës 04.08.2014 dhe bazuar në rregulloren Nr.10/2022 neni 10 për klasifikim të vendeve të punës në shërbimin civil kjo pozitë nuk klasifikohet në kategorinë e nëpunësve civil të nivelit të mesëm ose të lartë drejtues, por pozitë e nivelit profesional bazuar në nenin 13 të kësaj rregullore.

Kolegji i këshillit duke u bazuar në shkresat e lëndës dhe rrethanave të konfirmuara nga përmbajtja e ankesës konstaton se ankuesja nuk i ka plotësuar kushtet formale-juridike të konkursit nga se e njëjta është e punësuar si zyrtare e prokurimit në këtë institucion sipas Akt emërimit të datës 04.08.2014 dhe bazuar në rregulloren Nr.10/2022 për klasifikim të vendeve të punës në shërbimin civil të specifikuar më lartë nuk klasifikohet në kategorinë e nëpunësve civil të nivelit të mesëm ose të lartë drejtues, dhe përkundër që ankuesja kishte edhe disa pretendime sa i përket aspektit menaxherial etj, por që me faktin që e njëjta nuk kishte plotësuar kushtin kryesor formalo-juridik sa i përket kategorisë përkatësisht nivelit, nuk u lëshua në këto pretendime për faktin se nuk ndikojnë në vendimmarrje sa i përket objektit të kësaj ankese për arsyet e specifikuar më lartë.

Kolegji për shqyrtimin dhe vendosjen e ankesës, pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
Lënda, A.nr.643/2023, datë 23/05/2023

Vjollca SINANI



Zyrtare e Lartë për Bashkëpunim Profesional



**Vendimi i dërgohet:**

- Ankueses,
- Drejtorit të Përgjithshëm të Agjencisë Kosovare të Privatizimit;
- Udhëheqësit të Burimeve Njerëzore në Agjencisë Kosovare të Privatizimit dhe
- Arkivit të KPMSHCK-së

